

Hoe om die saligheid deelagtig te word.

Jesus het gekom om aan die mens terug te gee – alles wat Satan VAN hom weggeneem het; om van die mens te verwyder – alles wat Satan OP hom geplaas het; om uit die mens weg te neem – alles wat Satan IN hom geplaas het, en om in die mens terug te plaas – alles wat Satan UIT hom verwyder het.

Die Saligheidsplan:

Hoe om Christus aan te neem as jou persoonlike Saligmaker.

Stap Een: KOM!!!

Jes 1:18 Kom nou en laat ons die saak uitmaak, sê die HERE: al was julle sondes soos skarlaken, dit sal wit word soos sneeu; al was dit rooi soos purper, dit sal word soos wol.

Mat 11:28 Kom na My toe, almal wat vermoeid en belas is, en Ek (Jesus) sal julle rus gee.

Joh 6:37 Al wat die Vader My gee, sal na My toe kom; en Ek sal hom wat na My toe kom, nooit uitwerp nie.

Joh 14:6 Jesus antwoord hom: Ek is die weg en die waarheid en die lewe; niemand kom na die Vader behalwe deur My nie.

Heb 4:16 Laat ons dan met vrymoedigheid na die troon van die genade gaan, sodat ons barmhartigheid kan verkry en genade vind om op die regte tyd gehelp te word.

WANT:

Rom 3:23 want almal het gesondig en dit ontbreek hulle aan die heerlikheid van God,

1Joh 1:8 As ons sê dat ons geen sonde het nie, mislei ons onself en die waarheid is nie in ons nie.

Stap Twee: BELY MET BEROU!!

Erken dat jy sonder Christus verlore is; Dat sonde jou van God afskei; Dat jy niks is sonder Hom nie en erken jou desperate behoefte aan Hom. Besluit vrywilliglik om na Hom te kom vir die redding van jou siel en sonde vergifnis.

Dit beteken dat jy klaar is met alles wat boos is; Ongeloof; Sonde en verkeerde gewoontes wat jou aftakel en liggaam en siel vernietig. Jou liggaam word nou die tempel van God se Heilige Gees.

Mat 4:17 Van toe af het Jesus begin om te preek en te sê: Bekeer julle, want die koninkryk van die hemele het naby gekom.

Mar 1:15 en gesê: Die tyd is vervul en die koninkryk van God het naby gekom; bekeer julle en glo die evangelie.

Luk 5:32 Ek (Jesus) het nie gekom om regverdiges te roep nie, maar sondaars tot bekering .

(Bekering beteken, jy hou nou op om die sonde te doen en draai jou rug op die sonde en doen dit nie meer nie, dan hervorm jy jou lewe. Jy draai dus om na God toe.) **Psm 38:19(b) ek is bekommerd oor my sonde.**

Spr 28:13 Hy wat sy oortredinge bedek, sal nie voorspoedig wees nie; maar hy wat dit bely en laat staan, sal barmhartigheid vind.

1Joh 1:9 As ons ons sondes bely, Hy is getrou en regverdig om ons die sondes te vergewe en ons van alle ongeregtheid te reinig.

1Joh 1:7 Maar as ons in die lig wandel soos Hy in die lig is, dan het ons gemeenskap met mekaar; en **die bloed van Jesus Christus, sy Seun, reinig ons van alle sonde.**

Die wedergeboorte :

Joh 3:3 Jesus antwoord en sê vir hom: Voorwaar, voorwaar Ek sê vir jou, as iemand nie weer gebore word nie, kan hy die koninkryk van God nie sien nie.

Joh 3:5 Jesus antwoord: Voorwaar, voorwaar Ek sê vir jou, as iemand nie gebore word uit water = Gr = HUDATOS en Gees nie, kan hy in die koninkryk van God nie ingaan nie.

Hand 8:12(b) is hulle gedoop, manne sowel as vroue.\ Gr se woord vir doop is BAPTIZO = Indompel - Onderdompel.

DIE DOOP VAN JESUS - HY WAS OMTRENT 30 JAAR OUD !!

Luk 3:23 En Hy, Jesus, was omtrent dertig jaar oud toe Hy begin leer het; Ver 21 En toe die hele volk gedoop en Jesus ook gedoop is.

Mat 3:13 Toe het Jesus van Galiléa na die Jordaen, na Johannes gekom om deur hom gedoop te word.

Mat 3:14 Maar Johannes het Hom ernstig teëgegaan en gesê: Ek het nodig om deur U gedoop te word, en kom U na my toe?

Mat 3:16 En nadat Jesus gedoop was, het Hy dadelik uit die water opgeklim, en meteens gaan die hemele vir Hom oop, en Hy sien die **Gees van God soos 'n duif neerdaal en op Hom kom.**

Mat 28:19 Gaan dan heen, maak dissipels van al die nasies, en doop hulle in die Naam van die Vader en die Seun en die Heilige Gees; en leer hulle om alles te onderhou wat Ek julle beveel het.

Hand 2:38 En Petrus sê vir hulle: Bekeer julle, en laat elkeen van julle gedoop word in die Naam van Jesus Christus tot vergewing van sondes, en julle sal die gawe van die Heilige Gees ontvang. Vers 41 : WORD 3,000 siele op eendag gedoop.

Rom 6:3 Of weet julle nie dat ons almal wat in Christus Jesus gedoop is, in sy dood gedoop is nie?

Rom 6:4 Ons is dus saam met Hom begrawe deur die doop in die dood, sodat net soos Christus uit die dode opgewek is deur die heerlikheid van die Vader, **ons ook so in 'n nuwe lewe kan wandel.**

Tit 3:5 nie op grond van die werke van geregtigheid wat ons gedoen het nie, maar na sy barmhartigheid het Hy ons gered deur die bad van die wedergeboorte en die vernuwing deur die Heilige Gees .

Stap Drie: GLO !!!

Dis baie belangrik!! GLO !!!

Joh 3:16 Want so lief het God die wêreld gehad, dat Hy sy eniggebore Seun gegee het, sodat elkeen wat in Hom glo, nie verlore mag gaan nie, maar die ewige lewe kan hê.

Glo dat Christus jou nie sal wegwys wanneer jy na Hom toe kom nie.

Hand 16:31 Toe sê hulle: Glo in die Here Jesus Christus en jy sal gered word, jy en jou huisgesin.

Efes 2:8 Want uit genade is julle gered, deur die geloof, en dit nie uit julleself nie: dit is die gawe van God;

Joh 1:12 Maar almal wat Hom aangeneem het, aan hulle het Hy mag gegee om kinders van God te word, aan hulle wat in sy Naam glo;

Heb 11:6 En sonder geloof is dit onmoontlik om God te behaag; want hy wat tot God gaan, moet glo **dat Hy is en 'n beloner is van die** wat Hom soek.

2 Kor 5:17 Daarom, as iemand in Christus is, is hy n nuwe skepsel; die ou dinge het verby gegaan, kyk, dit het alles nuut geword.

GEBED:

Genadige Hemel Vader, Ek kom nou na U toe en erken dat ek 'n hel-verdiende sondaar is. Vergewe my asseblief en was al my sonde weg met die bloed van Jesus, Christus U seun. Ek neem Hom nou aan as my persoonlike Saligmaker en Redder. Leer my asb U weë en help my om U gebooie te onderhou. Vader, ek vra dit in die naam van Jesus en ek dank U daarvoor. AMEN.

konanja333@gmail.com